



Fyresdal kommune

ÅRSMELDING FRÅ KONTROLLUTVALET

2020

VETAKS

VESTFOLD, TELEMARK OG AGDER
KONTROLLUTVALGSSEKRETARIAT IKS

INNHALD / KONTROLLUTVALET SI ÅRSMELDING / 2020

1	Innleiing	03
2	Rammer for kontrollutvalet	04
3	Økonomi	06
4	Samansetjing av kontrollutvalet	08
5	Kompetanse og opplæring	10
6	Sekretariat	12
7	Revisjon	13
8	Arbeidet til kontrollutvalet – møte og saker	14
8.1	Rekneskapsrevisjon	16
8.2	Forenkla etterlevingskontroll	18
8.3	Forvaltningsrevisjon	20
8.4	Eigarskapskontroll	24
8.5	Andre saker	26
9	Konklusjon og avsluttande kommentar	27

I. Innleiing

Kontrollutvalet skal årleg rapportere om aktiviteten og resultatet av arbeidet sitt til kommunestyret. I samband med dette leverer kontrollutvalet ei samla årsmelding for utvalet sitt arbeid.

Årsmeldinga skal gi eit bilde av utvalet si formelle rolle, instruks, forholdet til revisjonen og sekretariatet, og dei viktigaste sakene som er handsama gjennom året. Årsmeldinga bør sjåast i samanheng med vedtekne planar.

2. Rammer for kontrollutvalet

Kommunestyret har det overordna kontrollansvaret for den kommunale verksemda. Kontrollutvalet skal føre løpande kontroll med kommunen si verksemd på kommunestyret sine vegner.

Ansvaret til kontrollutvalet følgjer av kommunelova §23-2 første ledd: «Kontrollutvalget skal påse at


- a. kommunens eller fylkeskommunens regnskaper blir revidert på en betryggende måte
- b. det føres kontroll med at den økonomiske forvaltningen foregår i samsvar med gjeldende bestemmelser og vedtak
- c. det utføres forvaltningsrevisjon av kommunens eller fylkeskommunens virksomhet, og av selskaper kommunen eller fylkeskommunen har eierinteresser i
- d. det føres kontroll med forvaltningen av kommunens eller fylkeskommunens eierinteresser i selskaper mv. (eierskapskontroll)
- e. vedtak som kommunestyret eller fylkestinget treffer ved behandlingen av revisjonsrapporter, blir fulgt opp»

Utover dette kan kontrollutvalet ta opp alle spørsmål ved verksemda til kommunen som er knytte til utvalet sitt ansvarsområde. Det er berre lovverket, kommunestyret og utvalet sjølv som kan påleggje kontrollutvalet oppgåver og saker, eller avgrense kva saker utvalet kan handsame.

Kontrollutvalet har omfattande innsynsrett. Blant anna kan utvalet utan hinder av teieplikt, krevje alle opplysningar, utgreiingar eller dokument og gjere dei undersøkingar som det finn nødvendig for å gjennomføre oppgåvene sine.

Utvalet sin leiar har møte- og talerett i kommunestyret når utvalet sine saker vert handsama. Utvalet sin leiar kan la eit av dei andre medlemmane i utvalet utøve denne retten på sine vegner. Kontrollutvalet har rett til å vere til stades i lukka møte i folkevalde organ i kommunen.


Kontrollutvalet har ikkje høve til å føre kontroll med kommunestyret eller overprøve politiske prioriteringar eller kor politisk føremålstenleg eit vedtak er. Kontrollutvalet kan likevel uttale seg om kommunestyret eller anna folkevald organ er i ferd med å treffe eller har treft eit ulovleg vedtak.



Aktørane i eigenkontrollen er kommunestyret (bystyret eller fylkestinget), kontrollutvalet saman med sekretariatet, rådmannen og revisor.

Ein god eigenkontroll krev samspel mellom desse.

For at dette samspelet skal fungere, er det nødvendig at aktørane kjenner både si eiga og kvarandre sine roller.





3. Økonomi

For å utøve funksjonen sin på ein god måte ber kontrollutvalet kommunestyret om økonomiske rammer som gjer den nødvendige aktiviteten for å oppfylle kontrollutvalet sitt mandat mogleg. Kontrollutvalet er etter Forskrift om kontrollutvalg og revisjon pålagt å utarbeide budsjettforslag for kontrollarbeidet i kommunen.

Rekneskapstala for den samla kontrollverksemda i kommunen kjem fram av kommunen sin samla årsrekneskap. På neste side følgjer budsjett- og rekneskapstal for 2020.

	BUDSJETT 2020	REKNESKAP 2020
Godtgjersle og andre lønnsutgifter	85 000	118 901
Bevertning	3 000	2 149
Anna forbruksmateriell	2 000	37
Opplæring og kurs	50 000	16 028
Reiser og transport	10 000	5 493
Kontingentar og abonnement	4 000	4 350
Sum Kontrollutvalet	154 000	146 958
Revisjon	391 000	391 000
Sekretariat	115 500	115 500
Sum	660 500	652 458

Kontrollutvalet har halde drifta innanfor den totale budsjettamma. Det er likevel nokre avvik mellom budsjett og rekneskap. Det har blitt utbetalt 33 901 kr meir i godtgjersler/lønnsutgifter enn det som er budsjettert. Dette har blitt dekt inn ved at det har blitt nytta mindre midlar til kurs og transport enn det som blei satt av i budsjett.



4. Sammansetjing av kontrollutvalet

Krav til sjølvstende og nøytralitet i kontrollutvalet sitt arbeid fører til at medlemmane i utvalet ikkje kan ha verv som kan komme i konflikt med arbeidet i kontrollutvalet. Difor er det strenge krav for å vere valbar for medlemmane av kontrollutvalet jf. kommunelova §23-1 tredje ledd.

Val av kontrollutvalet skal skje på det konstituerande møtet før val av andre utval og nemnder. Utvalet skal ha minst fem medlemmar og minst ein av desse skal veljast blant kommunestyret sine medlemmar. Leiaren av utvalet kan ikkje vere medlem av same parti eller høyre til same gruppe som ordføraren. Kommunestyret kan foreta nyval av kontrollutvalet sine medlemmar i valperioden, men då må heile utvalet veljast på nytt. Kommunestyret føretok nyval av kontrollutvalet i kommunestyret 05.11.20.

FASTE MEDLEMMAR

01.01.20 - 05.11.20


Leiar	Tor Bendik Midtgarden (H)
Nestleiar	Olav Gisle Noraberg (Ap)
Medlem	Per Helge Seltveit (Sp)
Medlem	Berit Gulbrandsen (Ap)
Medlem	Astrid Jupskås (Uavh.)

05.11.20 -

Leiar	Edvard Nesland (Uavh.)
Nestleiar	Marini Van Terheijden (Uavh.)
Medlem	Olav Gisle Noraberg (Ap)
Medlem	Berit Gulbrandsen (Ap)
Medlem	Øyvind Kile (Ap)

VARAMEDLEMMAR

Vara nr. 1	Thorstein Wøllestad (Ap)
Vara nr. 2	May Britt Bjaaland Festervoll (Sp)
Vara nr. 3	Lars Erik Gangsei (H)
Vara nr. 1	Lars Torstein Momrak (Uavh.)
Vara nr. 2	May Britt Bjaaland Festervoll (Sp)
Vara nr. 3	Lars Erik Gangsei (H)



5. Kompetanse og opplæring


Det vert stilt stadig større krav og forventningar til kontrollutvalet sin kompetanse, både frå det politiske miljøet og kommunen sine innbyggjarar. Kunnskap om kontrollutvalet si rolle, oppgåver og lovverk er nødvendig for å utføre dei oppgåvene som går fram av lov og forskrift.

Opplæring og kursverksemd kan skje lokalt (haust- og vårkonferanse i regi av VETAKS) eller gjennom sentrale tilbod. Kontrollutvalet vert kvart år invitert til Kontrollutvalgskonferansen i regi av Norges kommunerevisorforbund (NKRF) og Fagkonferansen i regi av Forum for kontroll og tilsyn (FKT). Dette er viktige samlingar for å tilføre kontrollutvalet sine medlemmar ny kunnskap, og det er arenaer der kontrollutvalsmedlemmar frå heile landet møtest og drøfter saker og arbeidsmetodar. Det blir vidare gitt opplæring i ulike tema i kontrollutvalet sine møte frå sekretariatet, revisjonen og administrasjonen.

To av kontrollutvalet sine medlemmar deltok på NKRF sin Kontrollutvalgskonferanse på Gardermoen 29-30 januar 2020. Hovedtemaene på konferansen var:

- *Politikarhets*
- *Reint drekkevatn*
- *Bærekraft i eit revisjonsperspektiv*
- *Personvern i kommunane*
- *Bompengeelskapa*





6. Sekretariat

Kontrollutvalssekretariatet er støttespelar for kontrollutvalet og er viktig for eit godt og effektivt kontrollarbeid i utvalet. Sekretariatet skal etter koml. § 23-7, 2. ledd sjå til at dei sakene som vert handsama av kontrollutvalet er forsvarleg utgreidde og at utvalet sine vedtak vert iverksett. Sekretariatet hjelper vidare kontrollutvalet med mellom anna oppgåver knytt til administrasjon, rådgiving og koordinering. I det daglege arbeidet er sekretariatet bindeleddet mellom kontrollutvalet, revisjonen og administrasjonen, og utfører oppgåver på vegner av kontrollutvalet.

Kontrollutvalet får sekretariathjelp frå Vestfold, Telemark og Agder kontrollutvalgssekretariat IKS (VETAKS). Kommunen er medeigar i VETAKS, og kostnadene for sekretariatet sine tenester vert fordelte etter eigen fordelingsnøkkel.

Med oppdrag for 34 kommunar og to fylkeskommunar i Agder og Vestfold og Telemark er VETAKS det største kontrollutvalssekretariatet i landet. Sekretariatet har 10 årsverk og fast sekretær for kommunen er Ingebjørg Liland. Dagleg leiar er Line Bosnes Hegna.

Sekretariatet er sjølvstendig i høve til kommunen sin administrasjon og den eller dei som utfører revisjon for kommunen. Det er strenge grenser for kven som kan vere tilsette i sekretariatet. Den som utfører sekretariatsoppgåver for kontrollutvalet, er direkte underordna kontrollutvalet og skal følgje dei retningslinene og pålegga som utvalet gir.

Sekretariatet si heimeside er www.vetaks.no. Her finn de ytterlegare informasjon om kontrollutvalet og sekretariatet.



7. Revisjon


Kommunen er medeigar i, og har avtale om levering av revisjonstenester frå Vestfold og Telemark revisjon IKS. Selskapet utfører rekneskapsrevisjon, forenkla etterlevingskontroll, forvaltningsrevisjon og eigarskapskontroll for kommunen. I tillegg kan revisor utføre andre oppdrag etter avtale.

Selskapet leverer revisjonstenester til 23 kommunar og ein fylkeskommune. Kostnadene til revisjon er baserte på ein avtale mellom kommunen og selskapet, og inneheld dei revisjonstenestene som kommunen etter avtalen får levert. Det er også mogleg å bestille andre prosjekt og oppdrag frå revisjonen.

Oppdragsansvarleg rekneskapsrevisor er Lisbeth Fines og Teamleiar rekneskapsrevisjon er Marianne Rogn. Kirsti Torbjørnsson og Bente Hegg Ljøsterød er oppdragsansvarlege forvaltningsrevisorar.

Kontrollutvalet har et ansvar for å sjå til at det vert gjennomført revisjon av kommunen og at den vert gjennomført etter gjeldande standardar og regelverk. I dette ligg mellom anna at revisor kvart år legg fram eigenvurdering av sjølvstende, overordna revisjonsplan / revisjonsstrategi og orienterer i kvart møte om det pågåande revisjonsarbeidet basert på revisjonsstrategien.

Revisjonen si heimeside er <https://vtrevisjon.no> Her finn de mellom anna rapportar frå revisjonen.



8. Arbeidet til kontrollutvalet – møte og saker



Kontrollutvalet har i 2020 heldt fem møte og handsama 39 saker.

Til samanlikning blei det i 2019 gjennomført fire møte og handsama 28 saker. Det er ein generell auke i aktivitet dei siste åra i kontrollutvalet.

Kontrollutvalet sine møter er opne for publikum med unntak av dei tilfella der det etter lov og forskrift er pålagt å lukke møtet. Saksdokumenta og protokollane vert fortløpande lagt ut på sekretariatet si heimeside: <https://opengov.360online.com/Meetings/VETAKS/Boards/Details/200367>

Administrasjonen blei ved fleire høve invitert til kontrollutvalet for å orientere om ulike verksemdsområde i kommunen. Kontrollutvalet ønskjer å vere synleg og ha god kontakt med leiinga i kommunen. Rådmannen og representantar for rådmannen har delteke på fleire av møta i utvalet, noko kontrollutvalet oppfattar som ein styrke i arbeidet sitt.

Kontrollutvalet har fleire ulike verktyø for å gjennomføre arbeidet sitt.



KONTROLLUTVALET SI VERKTØYKASSE – VERKEMIDDELTRAPPA



8.1 Rekneskapsrevisjon

Revisjon av årsrekneskapen er ein sentral del av kommunen sin eigenkontroll. Revisor skal gi tryggleik for at ein kan stole på informasjonen kommunen gir om økonomien sin.

Revisor er ein sjølvstendig og objektiv tredjeperson som gjennom sine kontrollar kan avdekkje og førebyggje feil og manglar i den økonomiske rapporteringa. Revisor vil i tillegg rettleie kommunen for å bidra til å førebyggje og avdekkje feil og misleghald.

Kontrollutvalet skal sjå til at kommunen blir revidert på ein forsvarleg måte. Utvalet er difor avhengig av at revisor gir tilstrekkeleg rapportering om revisjonsarbeidet. At kontrollutvalet og revisor har ein god dialog og god forståing av oppgåvene sine, er viktige føresetnader for å vere trygg på at revisjonsarbeidet blir forsvarleg utført.

I samband med ny kommunelov er oppgåvene til revisor knytt til rekneskapsrevisjon noko utvida. Revisor skal frå og med 2020 etter kommunelova § 24-5: «se etter om årsberetningen gir dekkende opplysninger om vesentlige beløpsmessige avvik fra årsbudsjettet og om vesentlige avvik fra kommunestyrets eller fylkestingets premisser for bruken av bevilgningene.»

Nytt for rekneskapsrevisor er altså kravet til å sjå på avvik frå budsjettpremissar og rapportere på dette som ein del av revisjonsmeldinga. I ny kommunelov er det i § 14-6 også innført krav om at kommunen utarbeider ein samla rekneskap for kommunen, eller såkalla konsolidert årsrekneskap som beskriven i kommunal rekneskapsstandard nr. 14 (først gjeldande for årsmelding 2021).

Kontrollutvalet sin uttale til Fyresdal kommune sin årsrekneskap 2019:

Kontrollutvalet har handsama Fyresdal kommune sitt årsrekneskap for 2019. Saman med årsrekneskapen følgde rådmannen sin årsberetning. Vestfold og Telemark revisjon IKS har avlagt revisjonsmelding og rapport til kontrollutvalet om årsrekneskapen.

Årsrekneskapen viser kr 118 135 162 til fordeling drift og eit rekneskapeleg meirforbruk på kr 0.

Kontrollutvalet meiner at presentasjonen av årsrekneskapen med tilhøyrande spesifikasjonar og noter tilfredsstill brukaranes informasjonsbehov og gjev eit riktig bilete av dei forhold som årsberetninga til rådmannen omhandlar.

Kontrollutvalet har ingen merknader til årsrekneskapen for Fyresdal kommune for 2019 og sluttar seg til revisors beretning av 20.04.2020. Kontrollutvalet anbefaler at Fyresdal kommune sitt årsrekneskap for 2019 vert godkjend.

Kontrollutvalet si uttale vert sendt kommunestyret med kopi til formannskapet.

Overordnet revisjonsstrategi for regnskapsrevisjon

Føremålet med den overordna revisjonsstrategien for rekneskapsrevisjon er å informere kontrollutvalet på eit overordna nivå om den revisjonsstrategi revisor har lagt for rekneskapsåret 2020. Etter god revisjonsskikk er planen for revisjonen dynamisk for å ta hensyn til eventuelle endringar. Denne saka vart handsama av kontrollutvalet i møte 24.09.20 sak 24/20.

Økonomiske uregelmessigheter og mislighald

Det kjem fram av Kommunelova § 24-7e at revisor skal gje skriftlege meldingar om einkvar mislegheit.

Vidare kjem det fram at dersom revisor avdekker eller på annan måte blir kjent med mislegheiter, skal han eller ho straks melde frå om dette til kontrollutvalet. Når saka er nærare klarlagt, skal revisor sende eit nytt brev til kontrollutvalet, med kopi til rådmannen.

Det blei i 2020 ikkje rapportert om mislegheiter i Fyresdal kommune.



8.2 Forenkla etterlevingskontroll

Det går fram av kommunelova at revisor er pålagt å gjennomføre forenkla etterlevingskontroll med økonomiforvaltninga. Kontrollen skal vere basert på ei risikovurdering, og den skal gjennomførast med moderat tryggleik. Kontrollutvalet blir orientert om risikovurderinga og resultatet av kontrollen.

I kommunelova § 24-9 er rekneskapsrevisor gitt i oppgåve å gjennomføre ein forenkla etterlevingskontroll med økonomiforvaltninga:

“Regnskapsrevisor skal se etter om kommunens eller fylkeskommunens økonomiforvaltning i hovedsak foregår i samsvar med bestemmelser og vedtak.

Revisor skal basere oppgaven på en risiko- og vesentlighetsvurdering, som skal legges fram for kontrollutvalget. Revisor skal innhente tilstrekkelig informasjon til å vurdere om det foreligger brudd på lover, forskrifter eller vedtak, der bruddet er av vesentlig betydning for økonomiforvaltningen.

Revisor skal senest 30. juni avgi en skriftlig uttalelse til kontrollutvalget, med kopi til kommunedirektøren, om resultatet av kontrollen»

Lova føreset at kontrollen vert gjennomført med avgrensa ressursar og resultatet er basert på moderat tryggleik. Kontrollen skal utførast i tråd med revisjonsstandarden RSK301.

Revisor har gjennomført ein kontroll av etterlevinga av reglane om offentlege anskaffingar.


Grunnlag for konklusjon med atterhald

Når det gjeld anskaffingar under grensa, dvs. mellom kr 100 000 og kr 1 300 000, ser revisjonen at kommunen blant anna har anskaffa konsulenttenester. Revisjonen har spurt etter dokumentasjon på kommunens utlysning av desse anskaffingane og om det er utarbeid protokoll for anskaffingane. Revisjonen har ikkje mottatt svar på vår førespurnad og kan dermed ikkje bekrefte om kommunen har følgd regelverket for desse anskaffingane.

Konklusjon

Basert på utførte handlingar og bevis som er henta inn er revisjonen, med unntak av det forholdet som er nemnt i avsnittet «grunnlag for konklusjon med atterhald», ikkje blitt merksame på andre forhold som gir grunn til å tru at Fyresdal kommune ikkje i det alt vesentlege har fylgd dei reglane som gjeld for konkurranse og føring av protokoll for anskaffingar.

Revisor sin uttale frå forenkla etterlevingskontroll blei handsama i kontrollutvalet 24.09.20



8.3 Forvaltningsrevisjon

Forvaltningsrevisjon er ei av dei lovpålagte oppgåvene til kontrollutvalet. Gjennom forvaltningsrevisjon kan kontrollutvalet undersøkje om kommunen etterlever regelverk, oppnår fastsette mål, og om ressursane blir effektivt forvalta.


Av kommunelova § 23-3 går det fram at:

«Forvaltningsrevisjon innebærer å gjennomføre systematiske vurderingar av økonomi, produktivitet, regeletterlevelse, måloppnåelse og virkningar ut fra kommunestyrets eller fylkestingets vedtak.

Kontrollutvalget skal minst én gang i valgperioden, og senest innen utgangen av året etter at kommunestyret eller fylkestinget er konstituert, utarbeide en plan som viser på hvilke områder det skal gjennomføres forvaltningsrevisjoner. Planen skal baseres på en risiko- og vesentlighetsvurdering av kommunens eller fylkeskommunens virksomhet og virksomheten i kommunens eller fylkeskommunens selskaper. Hensikten med risiko- og vesentlighetsvurderingen er å finne ut hvor det er størst behov for forvaltningsrevisjon.

Planen skal vedtas av kommunestyret og fylkestinget selv. Kommunestyret og fylkestinget kan delegere til kontrollutvalget å gjøre endringer i planene.»

Kontrollutvalet er delaktig i val av tema og utforming av problemstillingar basert på ei overordna risikovurdering, innanfor dei rammer som er gitt av kommunestyret. Forvaltningsrevisjon gjer det mogleg for kontrollutvalet å gå i djupna i ulike saksforhold, innan eitkvart verksemdsområde i kommunen. Det er vidare mogleg å gjennomføre forvaltningsrevisjonar i selskap kommunen har eigarinteresse i. Forvaltningsrevisjon vil difor kunne ha høg nytteverdi, både i utvalet si kontrollverksemd, og i kommunen sin internkontroll og forbetningsarbeid.



Kontrollutvalet handsama i møtet 18.06.20 sak nr. 18/20 Plan for forvaltningsrevisjon for Fyresdal kommune for perioden 2020-2023
Planen vart handsama i kommunestyret i møtet 17.09.20 sak 58/20.

Områder som er prioritert i plan for forvaltningsrevisjon 2020-2023:

Forvaltningsrevisjon

- **Anskaffingar**
Tema: Etterleving av regelverk, handlingsrom og samfunnsansvar
- **Helse**
- **PPT**
Tema: Ressurssituasjon og måloppnåing
- **Pleie og omsorg**
Tema: Etterleving av avtaleverk i samband med turnus og helgearbeid

Kontrollutvalet godkjende i møtet 26.11.2020 ein prosjektplan for eit forvaltningsrevisjonsprosjekt om anskaffingar. Prosjektet blei vedteke med følgjande problemstillingar:

- Har kommunen tiltak for å forvalte rammeavtaler?
- Har kommunen tiltak for å sikre at anskaffingar til veg, vann og avløp er i samsvar med regelverket?

Kontrollutvalet vedtok i sak 1/21 å legge til ei problemstilling til:

- I kva grad er anskaffinga av konsulent til Hamaren i samsvar med regelverket?

Prosjektet blir levert våren 2021.



8.4 Eigarskapskontroll

Eigarskapskontroll er ei av dei lovpålagde oppgåvene til kontrollutvalet og er eit viktig verkemiddel for å sikre at selskapa ligg under demokratisk styring og kontroll.

I kommunelova § 23-4 står dette om eigarskapskontroll:

«Eierskapskontroll innebærer å kontrollere om den som utøver kommunens eller fylkeskommunens eierinteresser, gjør dette i samsvar med lover og forskrifter, kommunestyrets eller fylkestingets vedtak og anerkjente prinsipper for eierstyring. Kontrollutvalget skal minst én gang i valgperioden, og senest innen utgangen av året etter at kommunestyret eller fylkestinget er konstituert, utarbeide en plan for hvilke eierskapskontroller som skal gjennomføres.

Planen skal baseres på en risiko- og vesentlighetsvurdering av kommunens og fylkeskommunens eierskap. Hensikten med risiko- og vesentlighetsvurderingen er å finne ut hvor det er størst behov for eierskapskontroll.

Planen skal vedtas av kommunestyret og fylkestinget selv. Kommunestyret og fylkestinget kan delegere til kontrollutvalget å gjøre endringer i planen.»

Plan for eigarskapskontroll for inneverande valperiode blei lagt fram for kontrollutvalet i møtet 18.06.20 sak nr. 18/20. Planen blei godkjend av kommunestyret i møtet den 17.09.20 sak nr. 58/20. Kontrollutvalet har ikkje fullmakt til å endre planen i perioden. I planen ligg følgjande eigarskapskontroll til prioritering:

Kontrollutvalet har ikkje bestilt eller handsama eigarskapskontroll i 2020.

Eigarskapskontroll

- **Eigarstyring**

Tema: Eigarmelding - innhald og oppfølging

8.5 Andre saker

Kontrollutvalet har i tillegg til tidlegare nemnde saker handsama følgjande:

- Nytt kontrollutval 2019-2023
- Kontrollutvalet og politisk leiing - forventningar og samarbeid
- Samspel mellom kontrollutvalet og rådmann
- Fyresdal kommune sitt arbeid med risikovurderingar og avvikshandtering
- Orientering frå økonomisjef
- Kontrollutvalet - funksjon og oppgåver
- Møte og arbeidsplan 2020
- Årsmelding for kontrollutvalet 2019
- Vurdering av forvaltningsrevisors sjølvstende 2020
- Årsrapport med årsrekningsrapport og kontrollrapport for skatteoppkrevjarfunksjonen 2019
- Orienteringssak - Omstilling Fyresdal
- Orientering frå eining helse og omsorg
- Engasjementsbrev Vestfold og Telemark revisjon IKS
- Eigenvurdering av rekneskapsrevisors uavhengighet 2020
- Budsjett for kontrollarbeid
- Presentasjon av nytt kontrollutval
- Publisering av omstillingsprogrammet sine sakspapir
- Orientering om budsjett for Fyresdal kommunen 2021
- Henvendelser til kontrollutvalet
- Kontrollutvalet sin møte- og arbeidsplan 2021

9. Konklusjon og avsluttande kommentar

Årsmeldinga vert med dette lagt fram for kommunestyret. Ved å sjå møte- og arbeidsplan og årsmelding i samanheng, kan kommunestyret sjå om dei vedtekne oppgåvene og målsettinga for kontrollutvalet er eller blir følgde opp.

Kort oppsummering av hovudtendensane eller kva som har skjedd siste året.

- Kontrollutvalet si verksemd har i 2020 i nokon grad vore påverka av koronapandemien. Revisorar har ikkje møtt fysisk i alle kontrollutvalsmøte, men har vore med via digital plattform.
- Arbeidet blei prega av at kommunestyret gjorde nytt val til kontrollutvalet i november.
- Vedteken plan for forvaltningsrevisjon og plan for eigarskapskontroll blir fortløpande følgde opp.
- Kontrollutvalet har utført og følgd opp sine oppgåver i tråd med vedteken møte- og arbeidsplan

Fyresdal, 19.05.21

Edvard Nesland
Kontrollutvalsleiar

Ingebjørg Liland
Utvalet sin sekretær/rådgivar



VETAKS

VESTFOLD, TELEMAR OG AGDER
KONTROLLUTVALGSSEKRETARIAT IKS

VETAKS.NO